

فيديو ٦٧٩ من مقاطع حظر التجول تدبر سورة الأنفال - الحلقة

٨١ الآيات ٧٦-١٧

فاضل سليمان

السلام عليكم ورحمة الله وبركاته. اهلا بحضراتكم في المقطع رقم اه تسعمية ستة وسبعين من مقاطع حظر التجول والحلقة الثامنة عشر من حلقات تدبر سورة الانفال. ارجو من حضراتكم تجميعوا المصاحف - [00:00:01](#) وعندي كذا نقطة بس قبل ما ندخل في الموضوع. اول حاجة آآ فيه ناس كتير جدا علقت على البداية بتاعتي امبارح اما باقول للناس آآ ما حدش يخش يتخانق ولا يدافع عني وانا - [00:00:27](#) ما لكوش دعوة انا مش هسامح حد انا هأخذ آآ بتاع ده. هأخذ حسناهم يوم القيامة. ناس كتير زعلانة زعلانة مني عشان اقول هأخذ حسنات يوم القيامة. ازا كان ربنا بيتيح لي دواء. قال بس المفروض ان انت تغفر - [00:00:37](#) الله! اولاً احنا عندنا حلقة طبعاً في دي اه في ذكرى وعبرة اسمها كيف كسبت مؤسسة جسر مليون جنيه في يوم واحد؟ شوفوها ولكن ليس كل جرح يستطيع كل انسان انه يغفر فيه - [00:00:47](#) فمممكن واحد يغفر ان حد شتمه او سبه وهو نفس الشخص ما يقدرش يغفر ان حد قتل ابنه مسلماً يعني. فانتم احنا مسألة الاخذ بالعزيمة دي انت لازم تربى نفسك انت عليها. مش تربى الناس عليها. ما لكش دعوة بالناس. فكل واحد عنده قدراته في المغفرة. واحنا نتكلم دايماً في - [00:01:04](#) في هذه المسألة كنوع من انواع تربية النفس. فدي حاجة. فكون ان انا ممكن في مرة اغفر ومرة ما اغفرش ومرة استغل اللي ربنا اداه لي بانه يؤخذ سيئاتي تطرح على سيئاتهم انت ايه اللي مضايك في كده؟ ما ده برده حاجة يعني انا مش قادر افهمها يعني كذا حد الحقيقة علق وزعلان مني عشان انا بقول للناس اللي بيشتمونني - [00:01:29](#) مش هسامحهم. يعني الحاجة الثانية اه امبارح انا نسيت اعلق على حاجة. فيه نقطة جميلة اوي في تدبر الايات خمسة وستين وستة وستين. فاحنا هنرجع للايتين دول دلوقتي تاني معلش - [00:01:49](#) اقرا معي كده الاية خمسة وستين والاية ستة وستين اعوذ بالله السميع العليم من الشيطان الرجيم يا ايها النبي حرض المؤمنين على القتال اياكم منكم عشرون صابرون يغلبوا مئتين واياكم منكم مئة يغلب الفا - [00:02:09](#) ان الذين كفروا بانهم قوم لا يفقهون. قلنا ده كان الحكم الاول في لغاية الحديدية كان الواحد بعشرة تمام فربنا هنا قال ايه؟ دي بقى اللي احنا ما علقناش عليها امبارح - [00:02:33](#) ان يكن منكم عشرون صابرون يغلبوا مائتين وبعد كده الحكم ده نسخ واصبح الواحد باتنين. يعني اقرا ستة وستين الان خفف الله عنكم وعلم ان فيكم ضعفاً. فايكم منكم مائة صابرة يغلب - [00:02:49](#) مئتين وان يكن منكم الف يغلب الفين باذن الله والله مع الصابرين فالمية بمئتين. طب ليه ما قالش العشرين باربعين ليه في الاية الاولانية ضرب مثل بالعشرين الصابرون يغلبوا مئتين. والاية الثانية قال لك المية الصابرة يغلبوا آآ مئتين. ما قالش ليه عشرين - [00:03:13](#) خلي بالك بقى احنا قلنا ان ده زمن غير ده. الزمن الاول اللي هو زمن المهاجرين والانصار فقط خلاص اللي بعد كده هيكون زمن فيه عينة اخرى من الصحابة ولكنها اضعف سنة. ناس بقى كمان وقبائل دخلت في الاسلام وبتاع لسة الناس مش متربية نفس التربية -

اليه الايمانية بتاعة الاوائل اوي فالواحد منهم باتنين من الكفار. المجموعة الاولانية الواحد بعشرة بس مش بس كده. وكمان عشرين من المجموعة الاولانية يعتبر جيش فتجد انه السرايا اللي عقدها النبي صلى الله عليه وسلم في الاول كان بيبقى ممكن يكون فيه سرايا عشرين واحد. خمسة وعشرين واحد. ويعقد سرية يعني بيطلع جيش من - 00:04:03

عشرين واحد انما المجموعة اللي بعد كده اللي هي اقل سنة لكنهم برضه مهما كان يعني ناس يعني الواحد باتنين من الكفار ومؤمنين صحابة يعني اقل عدد يعتبره اتكلم على مية بداية الجيش منهم مية - 00:04:31
فبنتكلم هنا انه في النوعية بتاعة المؤمنين مش بس فرقت ان الواحد باتنين والواحد بعشرة. وكمان فرقت فيه اقل عدد ممكن يعتبر جيش يعني دي بس نقطة حبيت ايه اذكرها يعني - 00:04:51

طيب هنبدأ بقى تدبر الليلة من الحلقة من الاية سبعة وستين. اقرا معي الاية سبعة وستين الى الاية اه واحد وسبعين اعوذ بالله السميع العليم من الشيطان الرجيم ما كان لنبي ان يكون له اسرى حتى يسخن في الارض - 00:05:06
تريدون عرض الدنيا والله يريد الآخرة والله عزيز لولا كتاب من الله سبق لمسكم فيما اخذتم عذاب عظيم فكلوا مما غنمتم حلالا طيبا. واتقوا الله ان الله غفور الرحيم يا ايها النبي قل لمن في ايديكم من الاسرى - 00:05:29

ان يعلم الله في قلوبكم خيرا يؤتكم خيرا مما اخذ منكم ويغفر لكم والله غفور رحيم وان يريدوا خيانتك فقد خانوا الله من قبل فامكن منهم والله عليم حكيم الاية سبعة وستين فيها تفسيرات عديدة - 00:06:15
اذكر منهم تفسيرين اتنين التفسير الاول ذكره الامام الرازي وهو ان الله سبحانه وتعالى يلوم الصحابة على التسرع في اخذ الاسرى قبل احداث مقتلة كبيرة في صفوف جيش قريش يعني - 00:06:50

هنا ربنا بيعاتب على انهاء الحرب بدري مش على عدم قتل الاسرى يعني بيقول لهم كان لازم تستمروا في القتال انتم ليه بتوقفوا وبتاخذوا اسرى استمروا معركة بدر يا جماعة تختلف عن اي معركة اخرى في التاريخ. ليه؟ هي اول معركة - 00:07:12
وكانت الخسائر آآ سبعين قتيل سبعين من الف شخص يعني حوالي سبعة كانوا اكثر من الف كمان. يعني اقل من سبعة في المية لو كانت الخسائر في الارواح عند عند قريش - 00:07:32

خمسة وعشرين في المية ثلاثين في المية يعني مات لهم من الالف متين وخمسين واحد ولا تلتमित واحد كان هيبقى درس اكبر بكتير لقريش عشان لا تتجراً على المسلمين بعد كده - 00:07:52
لكن المقاتل في الميدان مم اه الكافر القرشي لما لما اه لما يشوف مسلم مسلح فيرمي سلاحه ويسلم نفسه فالمسلم يفرح وياخذه فنزل قول الله تعالى ما كان لنبي ان يكون له اسرى حتى يسخن في الارض. تريدون عرض الدنيا والله يريد الآخرة. والله عزيز -

حكيم انتم مين قال لكم ان اي نبي الافضل يكون عنده اسرى قبل ما يسخن في الارض الافخا هو احداث الم في العدو عن طريق اعمال القتل في الجيش اولاً - 00:08:35
يسخن في الارض يعني يهزم العدو هزيمة فزيلة ربنا بيقول ما كان لنبي ان يكون له اسرى حتى يثخن في الارض. انتم جبتم منين؟ ان ده افضل يعني. مين قال ان ده افضل للاسلام ان يكون - 00:08:50

عندنا اسرى الفكرة انه الاسير بيبجي من وراء منفعة لان اهله هيرسلوا فدية. اربعين اوقية ذهب زي ما حصل في آآ بدر يعني كان الفداء بتاع الاسير اربعين اوقية ذهب - 00:09:10
آآ مبلغ يعني محترم يعني. اذن الاوقية مش عارف كم جنيه ذهب دلوقتي يعني. اربعة ولا خمسة جنيه ده حاجة مبلغ يعني عشان الناس تاخذ ابنها بيعتوا اربعين اوقية ذهب. انما القتل خلاص قتل ما فيش من وراه جاي حاجة منفعة. فربنا قال لهم تريدون عرض

الدنيا والله يريد الآخرة - 00:09:27
فاخرة والله عزيز حكيم لاول وهلة ممكن الواحد يشوف ان رأي الصحابة كان صح. ده هيجيب موارد مالية للمسلمين. لكن ربنا والله

عزيز حكيم. عزيز ولا يغلب. حكيم يرى الحكمة في ان اول معركة يحصل ايلام يحدث للمسلمين يحدثه - [00:09:46](#)

الم شديد في جيش العدو في المعركة دي بالزات حتى لا يعود هذا العدو لقتالهم مرة اخرى ولكن علشان هم استعجلوا في انهاء

الحرب وعدد القتلى سبعة في المية من الجيش. كانت النتيجة ايه؟ قريش رجعت تقاتلهم ثاني بعد حداثر شهر - [00:10:11](#)

في احد لكن لو كنتم اخذتم يعني لو كنتم احدثتم جرح اكبر من كده في جسد الجيش القرشي في بدر كان ممكن ما يرجعوش ثاني

ابدا خلاص. ياخدوا درس. طيب ده تفسير. ده تفسير - [00:10:30](#)

التفسير الاخر وهو الاشهر هو ان الله سبحانه وتعالى لم يوحى للنبي صلى الله عليه وسلم بشأن الاسرى اي شيء. يعني النبي صلى الله

عليه وسلم لقي عنده سبعين اسير فيه سبعين قتيل قتلوا من قريش وفيه سبعين اسير - [00:10:49](#)

واربعناشر شهيد مسلمين. لكن في سبعين اسير قربنا لم يوحى للنبي ايه اللي يحصل مع القصر اذا النبي دلوقتي في حالة اجتهاد

يستطيع ان يجتهد وطالما بيجتهد يبقى بيستشير فيبيستشير الصحابة. ربنا امره وشاورهم في الامر. فهو بيستشير - [00:11:07](#)

نعمل ايه في القصر اللي معنا يا جماعة؟ معنا سبعين اسير ابو بكر الصديق رضي الله عنه اشار ان النبي عليه الصلاة والسلام يقبل

منهم الفداء كل اسير يفدي نفسه بمبلغ من المال ذهب فضة حاجات كده - [00:11:30](#)

الفقير فيهم اللي مش حدش هيفديه ولا حد هيبعت فلوس عليه يعلم من ولاد المسلمين عشرة القراءة والكتابة يعني هننتفع منه

هننتفع منه. ما جاش من وراه فلوس ييجي من وراه تعليم يعلم عيالنا - [00:11:48](#)

بالطريقة دي الدعوة ستننتفع بالمال وبالتعليم وفي نفس الوقت يبقى ابقينا عليهم احياء لعل الله يهديهم الى الاسلام وسيدنا ابو بكر

قال للنبي عليه الصلاة والسلام يا نبي الله هم بنو العم والعشيرة - [00:12:03](#)

عمنا. خلاص الحرب خلصت. قبل الحرب مش ولاد عمنا ولا بتاع هناعرب هو سيدنا ابو بكر كان بيقا تل آآ يعني افراد عائلته لكن بعدها

خلاص الاسرى دول بنو العم والعشيرة - [00:12:20](#)

ارى ان تأخذ منهم فدية فتكون لنا قوة على الكفار. فعسى الله ان يهديهم للاسلام رأي حلو في اولنا منفعتين للدين فلوس التعليم

وكمان منفعة دعوية يمكن ربنا يهديهم بعد كده. وفعلنا ربنا هدى من الاسرى دول ناس واسلموا يعني - [00:12:34](#)

سيدنا عمر ابن الخطاب رضي الله عنه رأى رأى رأى اخر قال لك لا دول يقتلوا بحيث عدد القتلى بتاع قريش يطلع بقى من سبعة في المية

لاربعتاشر في المية فيبقى درس كبير لهم وعشان ما حدش بقى من - [00:13:01](#)

مسلمين يشيل في قلبه من اخوه المسلم اللي قتل قريبه كل واحد من الاسرى اللي يقتله يكون قريبه من المسلمين. يعني يا رسول

الله ارى ان تسلم عقيل ابن ابي طالب او عقيل ابن ابي طالب الى علي ابن ابي طالب يقتله بنفسه - [00:13:15](#)

وعمر طلب واحد قريبه في القصر ايضا هيقتله بنفسه عشان انا عشان يقول لك عشان هو ما يشيلش من من مسلم ثاني في قلبه انه

قتل قريبه يعني بصراحة رأي خطير جدا وبيثبت - [00:13:36](#)

ان سيدنا عمر اختار الله وفضل الدين على علاقات القرابة. لكن رأي صعب اوي يعني فالنبي عليه الصلاة والسلام اختار رأي ابو بكر

الصديق خلاص هو استشار واخذ الاراء وكان اخطر رأي فيها. على فكرة ده مش اخطر رأي يعني. ده فيه رأي اخطر منه رأي عبدالله

بن رواحة الانصاري - [00:13:49](#)

تضرب نار كبيرة ويلقى وفيها ويتحرقوا وياللا خليها تبقى عبرة. لكن كل واحد حر في رأيه اشاروا على النبي عليه الصلاة والسلام

واللي فيه المنفعة آآ نعمله فالنبي عليه الصلاة والسلام لان اكثر رأي يعني فيه منفعة رأي ابو بكر - [00:14:13](#)

كل اسير يفدي نفسه. وبكده الناس ناس منهم ممكن تدخل الاسلام كمان فيما بعد وفي نفس الوقت المسلمين هيعوضوا تكاليف

الحرب لان يا جماعة الحرب لها تكاليف المال ده هينضم برضه للغنائم يعود بالخير على المسلمين كلهم يعني حاجة حلوة يعني -

[00:14:28](#)

اي حد فينا يفكر هيجد ان ده افضل رأي لكن ربنا نزل اية يلوم فيها الصحابة طبقا لهذا التفسير. يلوم فيها الصحابة الذين اشاروا بهذا

الرأي لان هذه هذه الاية بصوا - [00:14:45](#)

اه الرأي ده هو اللي ادى الى احد بعد كده يعني الرأي بتاع ان ما نقتلش منهم اكر من سبعين. ويرجعوا بقى وربنا يهديهم والكلام ده كله. هو ده اللي رجع الناس في احد بعد حداثر شهر - [00:15:02](#)

كان لازم بدر تبقى مؤلمة اكر من كده ربنا قال ما كان لنبي ان يكون له اسرى حتى يثخن في الارض تريدون عرض الدنيا والله يريد الآخرة والله عزيز حكيم لولا كتاب من الله سبق لمسكم فيما اخذتم عذاب عظيم - [00:15:19](#)

كان ممكن يحدث نتيجة قراكم ده خسائر فادحة لكن ربنا كتب في القدر انه لا يحدث نتيجة هذا القرار الخاطي ها عذاب عظيم. يا دوبك قتل منكم في احد سبعين بالظبط قد اللي انتم قتلتموهم في ايه في بدر - [00:15:40](#)

لمسكم فيما اخذتم من الفداء من الاسرى. عذاب عظيم. كان ممكن عقاب ربنا يكون اكبر من كده. مش معناه عذاب عظيم يعني عذاب عظيم يوم القيامة للصحابه عشان آلا العذاب العظيم ده بيبقى على معصية كبيرة. لكن هم رأوا ان هم ياخدوا الفداء من الاسرى -

[00:16:03](#)

ربنا بيقول لهم كان ممكن يجي لكم عقاب اكبر من كده. عقابكم كان يا دوب الايه هزيمة احد على قد بالزبط ايه هزيمتكم لهم في بدر. بس خلاص قرار خاطي - [00:16:21](#)

لكن خاطي في منطقة المصالح والمفاسد حسبتها غلط وده ادى لمشكلة بعد كده لولا ستر ربنا كانت هتبقى مصيبة اكبر يعني. خلي بالك بقى ان الكلام ده عشان نبقي واضحين. خاص ببدر فقط - [00:16:31](#)

لانه حكم الاسير في الاسلام ان الاسير لا يقتل صبرا. لا يقتل صبرا يعني ما يتاخذش يقتل الا لو مجرم حرب هو عنده الجريمة الثانية غير انه دخل يحارب مش عنده جريمة محكوم عليه باعدام من قبل كده. اه ده هيقتل. لو وقع في ايدينا هو يقتل بس مش عشان خاطر اسير. الاسير لا يقتل لانه اسير. ادي اول حاجة - [00:16:48](#)

الحكم بتاعها موجود في سورة محمد اذا لقيتم الذين كفروا فاضرب الرقاب حتى اذا اسخنتموهم يعني احدثتم فيهم مقتلة خلاص؟ فشدوا الوثاق الباقيين بقى خدوا اسرى بقى. خدتوا اسرى شدوا الوثاق. يعني حطوهم ايه؟ حطوا كلبشات في ايديهم. فشدوا الوثاق. ايه يعني كتفوهم بقى عشان ما يقربوش. ها - [00:17:15](#)

وبعدين هم طريقة من اتنين فاما منا بعده واما فداء. يا اما يفدوا نفسهم كل واحد اربعين اوقية ذهب زي ما حصل في بدر او غيره او او ممن زي ما حصل في مكة كده اذهبوا فانتم الطلقاء. يلا ببلاش - [00:17:43](#)

ماشي لا في قتل ولا في استرقاق كمان ولا بناخد ايه ارقاء عبيد لكن اخدنا ارقاء عبيد ايوه ده لما بنقاتل ناس خد هم كمان ارقاء قريش ما بتاخذش عبيد ما بتاخذش ما بتسترقش - [00:18:01](#)

الاسرى فاحنا مش هنسترق اسرى واضح احنا كمان. يعني احنا عملنا نوع من انواع الابيه كده في القانون الدولي. يا جماعة الموضوع ده مش لطيف. فاللي هياخد اسر يسترقون احنا هنسترق منه لكن اللي مش هيسترق مش هنسترق. خلاص؟ طيب. طبعا ده مشروع اكر في الابيه؟ الحلقة بتاعتي بتاعة اه بتاعة الرقية - [00:18:20](#)

لكن انا بس حبيت اوضح ان حتى لو التفسير ده هو اللي صحيح ان ربنا بيلوم المسلمين على عدم قتل الاسرى فهذا خاص ببدر فقط. لكن القتيل الاسير لا يقتل في الاسلام - [00:18:40](#)

طيب والدليل شوف بقى دليل ان ربنا لم يغضب على المسلمين بسبب قرارهم ده. القرار ده اللي هو اقره النبي صلى الله عليه وسلم. هم. باخذ الفداء من الكفار. هو ان ربنا لم يلغي هذا القرار - [00:18:51](#)

لكن ربنا بين لهم ان كان الافضل غير كده. بصوا كده الاية تسعة وستين ربنا قال لهم ايه فكلوا مما غنمتم حلالا طيبا. من ضمن الغنيمة دي الفداء بتاع الاسرى - [00:19:17](#)

واتقوا الله ان الله غفور رحيم يلا خلاص حلال عليكم هنا التدبر هو لما يجي لك فلوس ما كنتش عامل حسابها مم فكلوا مما غنمتم حلالا طيبا ما تسرفش جالك فلوس من حيث لا تحتسب مرة واحدة كده ايه لقيت حد مفوت لك مبلغ هدية لك - [00:19:33](#)

ماشي مش معك انك تروح تسرف وتصرف الفلوس دي في باسراف وببذخ لأ تروح تشتري حاجات تافهة لأ حتى الفلوس اللي انت ما

كنتش عامل حسابها هي رزق من الله. انت بس ما كنتش عارف انها جاية لكن ربنا كاتب انها تجي لك. فتعامل معها - [00:20:01](#)
فكلوا مما غنمتم حالالا طيبا واتقوا الله الفلوس دي كمان الغنائم في اللي جالكم ده اصرفها في الحلال الطيب يجري عليها احكام المال
الطبيعية جدا اقرا الاية سبعين يا ايها النبي قل لمن في ايديكم من الاسرى. شف بقى يا ربنا بينزل الكلام دوا القرآن ده والاصل -

[00:20:21](#)

موجودين فربنا لم يلغي القرار بتاع الفداء ربنا بيقول للنبي يقول ايه للاسرى قبل ما يطلقهم يعلم الله في قلوبكم خيرا يؤتكم خيرا
مما اخذ منكم. ويغفر لكم والله غفور رحيم - [00:20:49](#)

ده ببسبت ان ربنا لم يغضب من قرار الصحابة والنبي عليه الصلاة والسلام باخذ الفداء من الاسر خلاص لأ كمان بيقول له بقى يقول
ايه للاسرى. رسالة دعوية قبل ما تطلقهم. خلاص خدت منهم كل واحد واربعين اوقية ذهب. خلاص - [00:21:08](#)

ماشيين قبل ما يمشوا وانت بتودعهم تقول لكل واحد منهم ايه ها يعلم الله في قلوبكم خيرا يؤتكم خيرا مما اخذ منكم لو ربنا يعلم
ان قلوبكم دية فيها خير - [00:21:26](#)

وقبلتم دين الله مش معنى كده هنرجع الفلوس لأ لكن ربنا هيعوض عليكم بفلوس بدلها اكثر منها كمان يؤتكم خيرا مما اخذ منكم.
ليه؟ لان ممكن لو انت قلت والله يا جماعة اللي هيسلم هنطلعه ببلاش او مش هندي له فلوسه. طب ما هيسلم حركات. لأ - [00:21:43](#)

هتدفع هتدفع خلاص ولكن دفعت الفداء وخرجت بنديك رسالة دعوية ان ربنا لو انت نيتك صافية وامنت ربنا هيؤتيك خيرا مما اخذ
منك يعلم ان يعلم الله في قلوبكم خيرا - [00:22:02](#)

ربنا ممكن يعوضكم ويغفر لكم كمان مم ويغفر لكم والله غفور رحيم. اذا بنتكلم على لو هم اسلموا. اذا انت بتستخدم الدعوة معهم
وبتستخدم اسمين من اسماء الله الغفور الرحيم في دعوة الكفار دول - [00:22:19](#)

وهم بيدفعوا الفداء قبل ما ينطلقوا الى مكة بعضهم ما كانش معه فلوس وما عندوش حد في مكة يفديه فبعضهم تعهد وما يعرفش
يقرا ويكتب ومش هيعرف يعلم ولاد صحابه - [00:22:37](#)

فبعضهم تعهد انه لما يذهب الى مكة ها هيجيب فلوس او هيقترض فلوس او هيتصرف في حاجة او هيبيع حاجة عنده ويرسل
الفلوس او يبجي بنفسه المدينة يرجعها ربنا قال للنبي اقبل ده كمان - [00:22:49](#)

كمان ده اقبله اتفضل وان يريدوا خيانتك فقد خانوا الله من قبل فامكن منهم. والله عليم حكيم لو هم نيتهم انهم يخونوا عهدهم
معك ولما يخرجوا ما يرجعوش بالفلوس مش مهم - [00:23:07](#)

برضو سبهم اتركهم وهم على كل حال خانوا الله من قبل. مش خانوا عهد الله قبل كده لما بانهم كفروا وانهم اشركوا بالله فامكن
منهم. يعني وقعهم في ايديكم هيوقعهم تاني - [00:23:25](#)

مش مهم اتركهم حتى لو نيتهم انهم يخونوا العهد سيبيهم هيقدر ربك هيقدر يجيبهم تاني وهناك ايضا عهد اخذ على الاسرى. لانه
الاسير لما بيتفك انت بتاخذ عليه تعهد لا يعود مرة اخرى لقتال المسلمين. يعني حتى اللي دفع الفدية بيلتزم وبيكتب تعهد. انا مش

راجع تاني اقاتل ضدكم - [00:23:40](#)

ابدا لذلك انا بصراحة لا اري ان التفسير الثاني بتاع الاية سبعة وستين صحيح ان هو ربنا قال وما كان لنبي ان يكون له اسرى حتى
يدخل في الارض ان معناها ان ربنا آآ كان يريد قتل الاسرى لأ الايات اللي بعدها كلها مش - [00:24:04](#)

قل كده لقيت بعدها لا لغت القرار دوه وادت للنبي رسالة يبلغها للاسرى بل والاسرى اللي مش اللي مش موثوق فيهم آآ ربنا قال له
اطلقهم برضو وربنا اللي هيوخون فيهم ربنا هيجيبه لك آآ من قفاه بعد كده. فيه ايه! يعني انا شايف انه التفسير بتاع آآ اللي المذكور
في الرازي اللي - [00:24:20](#)

هو ان ربنا بيلوم على ايقاف الحرب بدري آآ ماشي اكثر مع السياق الايات اللي بعد كده ليه برضو خلي بالك من حاجة هي برضو
نفس هو نفس المعنى بتاع الاية سبعة وخمسين. اللي هي فاما تثقفنهم في الحرب فشردهم بهم - [00:24:42](#)

امن خلفهم لعلهم يتذكرون يعني ايه؟ يعني انت لما ربنا بيحب انك لما تعمل آآ عمل تعمله باتقان. ان الله يحب اذا عملك احدكم عمل

احدكم عملا ان يتقنه. ومن هذا العمل الابه - 00:25:05

القتال هتقاتل قاتل كويس بقى. احدث اكبر خسائر في صفوف العدو. فاما تثقفنهم في الحرب فشردهم من خلفهم لهم يتذكرون على رأي المسمل المصري اللي يقول لك اربط اضرب المربوط يخاف السايب. يعني انت لازم تكون واقعي. العالم كله ضدك -

00:25:21

لا تظهر الضعف في القتال بقى. خلاص قتلت. اظهر القوة. خلاص في كل حاجة لو هتظهر النبل والكرم اظهر النبل والكرم بشدة. لو

هتظهر الشدة وتظهر القوة اظهر القوة يعني اعمل كل حاجة كويس قوي - 00:25:40

على كل حال يعني الناس مختلفين طبعا في طريقة تفكيرهم يعني. حتى الانبياء على فكرة حتى الانبياء مختلفين في طريقة

تفكيرهم. يعني لما النبي عليه الصلاة والسلام سمع اراء الصحابة قال ايه لابو بكر الصديق وقال ايه لعمر بن الخطاب - 00:25:55

النبي قال لابو بكر الصديق ان المدرستين دول موجودين عند الانبياء كمان. فقال له ان الله لا يلين او ليلين قلوب رجال فيه يعني في

الله يعني من اجل ربنا - 00:26:11

حتى تكون الين من اللين ويشدد قلوب رجال فيه برضه من اجل الله. حتى تكون اشد من الحجارة. وان مثلك يا ابا بكر كمثلك ابراهيم

اذ قال فمن تبغني فانه مني ومن عصاني فانك غفور رحيم - 00:26:29

وكمثلك عيسى ابن مريم اذ قال ان تعذبهم فانهم عبادك وان تغفر لهم فانك انت العزيز الحكيم وان مثلك يا عمر كمثلك نوح اذ قال رب

لا تذر على الارض من الكافرين ديارا. انك ان - 00:26:53

يضلوا عبادك ولا يلدوا الا فاجرا كفارة. ودعا على قوم وكمل موسى اذ قال ربنا اطمس على اموالهم واشدد على قلوبهم فلا يؤمنوا

حتى يروا العذاب الاليم يعني لو الناس اختلفت في الرأي. يا جماعة هنا بقى التدبر بتاعي الحقيقة - 00:27:15

لو الناس اختلفت في الرأي مش بالضرورة يكون في رأي صح ورأي غلط ممكن الرأيين يكونوا صح بس فيه واحد صحى اكثر من

واحد. وممكن فيه واحد فيه فائدة اكثر من واحد بس الاتنين فيهم فائدة. وممكن رأيين يكونوا وردة - 00:27:36

بس واحد غلط اكثر من واحد ثاني. لذلك اختتم النهاردة كلمة ابن تيمية اللي قلتها قبل كده ليس الحكيم من يعلم الخير من الشر فكل

احد يعلم الخير من الشر - 00:27:53

واضحة والخير من الشر انما الحكيم من يعلم خير الخيرين وشر الشريرين كلها في الموازنات انك تعرف الوزن بتاع كل حاجة

قد ايه في حاجة مفيدة وحاجة تانية مفيدة اكثر والاتنين مفيدتين - 00:28:09

وحاجة مضرة وحاجة تانية مضرة اكثر والاتنين مضرين عشان تعرف ازاى تختار اختياراتك تبقى عاملة ازاى. يمكن النهاردة ان شاء

الله اعمل آآ يعني شير للحلقة فقه الاولويات وده فقه من اهم ما يمكن ومن اجمل ما يمكن وجزاكم الله خيرا غدا باذن الله هتكون

اخر حلقة من حلقات - 00:28:30

دبر صورة الانفال باذن الله. وبعد بكرة نبدأ اخر سورة في التدبر آآ وهي سورة التوبة. اللهم انا نسألك حبك وحب من يحبك وحب كل

عمل يقربنا الى حبك. اللهم ما رزقتنا - 00:28:55

ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب. اللهم اجعل حبك احب الينا من اهلينا واموالنا

ومن الماء البارد على الظمأ - 00:29:12

اللهم حبيبنا اليك والى ملائكتك وانبيائك ورسلك وعبادك الصالحين. واجعلنا ممن يحبك ويحب ملائكتك تيكا تاكا وانبيائك ورسلك

وعبادك الصالحين. اللهم احبي قلوبنا بحبك. واجعلنا لك كما تحب. الله اجعلنا نحبك بكل قلوبنا ونرضيك بكل اجسادنا. اللهم اجعل

حبنا كله لك وسعينا كله في مرضاتك - 00:29:28

اللهم اجعل القرآن الكريم ربيع قلوبنا ونور صدورنا وجلاء احزاننا وذهاب همومنا وغمومنا ومغفرة ذنوبنا. اسأل الله العلي العظيم ان

يجعل هذا التدبر في ميزان حسناتي وحسناتكم جميعا. اللهم فاطر السماوات والارض عالم الغيب والشهادة. انت تحكم بين عبادك

فيما - 00:29:58

كانوا فيه يختلفون فبحق كل حرف في كتابك تلوناه او تدبرناه اكفنا واهلينا واخواننا واخواتنا شر كل من يكيد لنا ولهم واحفظنا
واياهم من شرورهم ونجعلك اللهم في نحورهم فانت الوكيل ولا حول ولا قوة الا بك - [00:30:25](#)

اللهم بحق كل حرف في كتابك تلوناه او تدبرناه ايد بنصرك المرابطين في الارض المباركة فلسطين اللهم سد رميهم وخيب رمي
عدوهم وتقبل شهداءهم وانصرهم في جهادهم وكن مع اخواننا في تركستان الشرقية وفي الشام وفي كشميرا وفي الهند وانصر من
نصرهم واخذل من خذلهم. وظهر المسجد الاقصى - [00:30:43](#)

ومن الدنس فانهم لا يعجزونك. واكتب لنا يا ربنا ختم القرآن فيه. اللهم انك تعلم ان هذه القلوب قد اجت اجتمعت على كتابك وعلى
محبتك ملتقت يا ربنا على طاعتك وتوحدت على دعوتك وتعاهدت على نصره شريعتك فوثق اللهم رابطة - [00:31:07](#)

ها وادم ودها واهدها سبلها واملأها بنورك الذي لا يخبو واشرح صدورها بفيض الايمان بك وجميل التوكل عليك واحييها يا ربنا
بمعرفتك. وامتها يا مولانا على الشهادة في سبيلك انك نعم المولى ونعم النصير. وصل اللهم وسلم على سيدنا محمد وعلى اله
وصحبه ومن تبع هداه. والسلام عليكم ورحمة الله. نراكم غدا - [00:31:31](#)

في نفس هذا الموعد - [00:31:59](#)